


Xa Mus Sojntsuam Qhov Hnov Lus



California
Newborn
Hearing
Screening
PROGRAM



State of California, Department of Health Services,
Children's Medical Services

Vim Licas Kuv Tus Menyuum Thiaj Yuavtsum Rov Mus Sojntsuam Qhov Hnov Lus Dua?

Yog koj tus menyuum tsis dhau kev sojntsuam qhov hnov lus. Tejzaum kuj muaj ntau yam los cuamtshuam kev sojntsuam, pivxam, tejzaum muaj ntau yam suab nrov hauv chav tsev sojntsuam losyog koj tus menyuum nti heev. Yog lino thiajli tseem ceeb heev uas yuav tsum tau rovqab sojntsuam dua sai sai kom paub tseeb tias koj tus menyuum puas hnov lus tiag.

Cov Menyuum Mosliab Uas Tsis Hnov Lus Muaj Pestsawg Tus?

Menyuum feemntau yug los yeej hnov lus. Tiamsis, pom tau tias muaj li 2-4 ntawm 1000 tus menyuum mosliab yeej tsis hnov lus kiag li. Lintawm 50% ntawm cov menyuum mosliab tsis hnov lus es tsis ua rau leejtwg paub li losyog tsis ua teebmeem, xwsi mauj mob hnyav losyog tim tsevneeg muaj keeb lagntseg. Muaj ntau yam ua rau tus menyuum uantej thaum yuav yug, lub caij nyob hauv plab losyog thaum nws me es ua rau nws tsis hnov lus. Qhov kev tsis hnov lus no lwm-hnub yuav ua kom tus menyuum pheej muaj mob pobntseg tas mus li, mob pobntseg hu ua "meningitis" puas tohau, losyog lwm yam mob. Muaj tejyam tshuaj cawm siav kuj yuav ua tau rau kom tsis hnov lus thiab. Tejzaum qhov kev tsis hnov lus no kuj tsis muaj neeg paub hlo li los kuj muaj. Tham nrog koj tus menyuum tus Kws Kho-mob yog koj muaj lus nug thiab muaj kev txhawj.


Vim Licas Thiaj Sojntsuam Tus Menyuum Mosliab?

Sojntsuam kev tsis hnov lus mas yuav tsum ntsuam thaum txov npaumli ntxov tau. Qhovnov yog ib qhov tseem ceeb heev rau thaum menyuum muaj ib hlis ntawd es nws pib xyaum txuas lus. Tus menyuum twg uas tsis hnov lus losyog lagntseg yuav ua kom tsis txawj hais lus losyog yuav kom kawm tsis tau ntawv zoo nyob hauv tsev kawm ntawv. Yog xub paub thaum ntxov tias tus menyuum mosliab tsis hnov lus, yuav nrhia kev pab rau nws sai.

Yam Koj Yuav Pab Tau Rau Lub Caij Sojntsuam Menyuum Qhov Hnov Lus.

Pab kom tus menyuum pw twj ywm thaum lub caij sojntsuam qhov hnov lus. Cov lus qhia no yuav pab koj npaj koj tus menyuum kom nyob twjywm.

1. Tsistxhob pub nws pw uantej lub sijhaum eemcaij ntawd.
2. Pub koj tus menyuum noj mis uantej lub sijhawm teemcaij ntawd tejzaum yuav pab tau nws pw tsaug zog.
3. Nqa pam vov, 2-3 daim daivpawj, khaub ncaws hloov, thiab mis, kom tau siv.
4. Koj teem caij rau lub sijhawm uas nws niaj hnub pw.



Ua Licas Tomqab Sojntsuam Tag?

Yuav muab qhov sojntsuam ntawd los qhia rau koj thiab muab ib daim rau koj. Yuav xa ib daim mus rau koj tus menyuum tus Kws Kho-mob thiab. Yog pom tau tias nws tsis hnov lus, yuav xa koj mus cuag rau cov koomhaum tshwjxeeb thiab cov kev pab ntawm cheebtsam. Chavtsev pab sojntsuam cov menyuum mosliab qhov hnov lus hauv xeev Kaslisfaunias yuav pab koj hu xovtooj kom tau rau koj thiab koj tus menyuum kom tau yam kev pab uas koj xav tau.



Leejtwj Them Nqi Rau Kev Sojntsuam Qhov Hnov Lus No?

Ntau lub koomhaum yuav them tus nqi sojntsuam qhov hnov lus no. Medi-Cal thiab lub Koomhaum pab Menyuum xeev Kaslisfaunias (CCS) yuav them rau qhov sojntsuam no rau cov menyuum ua tsimnyog tau txais kev pab. Yog koj muaj lus nug txog qhov them tus nqi sojntsuam no, tham nrog koj tus menyuum tus Kws Kho-mob losyog cov pab txog kev kho-mob losyog hu rau 1-877-388-5301.

Saib Menyuum Kev Loj Hlob

Yog qhov sojntsuam qhia tias koj tus menyuum tsis muaj teebmeem txog qhov hnov lus, tseem yuavtsum tau sojntsuam nws qhov hnov lus dua ntxiv lwm hnub thaum nws loj tuaj lawm.

Sojntsuam menyuum yug tshiab yog thawj qib ntawm kev saib xyuas koj tus menyuum qhov hnov lus, hais lus, thiab paub lus. Ibtxhais menyuum mas thaum nws twb loj tuaj lawm mam ua rau nws tsis hnov lus, yogli qhov tseem ceeb heev yog koj yuav tau saib koj tus menyuum cov lus thiab qhov nws txhawj hais lus kom zoo.

Sojntsuam Kev Hnov Lus Yog Dabtsi?

Sojntsuam kev hnov lus yog ib qhov tshawb xyuas koj tus menuam txoj kev hnov lus. Yuav tshawb xyuas ntau yam kom paub tseeb txog koj tus menuam qhov kev hnov lus. Qhov kev sojntsuam no yog tus uas kawm paub tshwjxeeb txog kev hnov lus ua tus ntsuam xyuas, tus uas paub zoo txog kev kho-mob ntawm qhov hnov lus.

Yuav Sojntsuam Qhov Hnov Lus Liccas?

Thaum uas tus menuam nyob twijwm losyog pw tsaug zog, muab ob lub khwb pobntseg los khwb tso suab nrov rau nws ob lub pobntseg ntsuam koj tus menuam qhov hnov lus. Tag nrho cov kev sojntsuam no yeej tsis mob li. Koj tus menuam yuav hnov lub suab nrov uas muab kaw cia rau hauv txoj xovtooj uas muab ntsaws rau hauv lub qhov ntsej losyog ntawm txoj xovtooj uas coj los rau saum tohau. Vim tias yuav tau sojntsuam ntau yam es thiaj yuav tau siv sijhawm ntev rau cov menuam mosliab. Tejzaum koj yuav tau tos ntev tshaj li ntawm ib teev rov saud thaum rovqab tuaj dua zaum ob.



Koj tus Menuam Daim Ntawv Teem Caij Tuaj Sojntsuam:

Menuam lub npe:

Hnub & Sijhawm teem:

Qhov Chaw teem mus ntsib:

Tus xovtooj hu mus teem caij:

(Thov hu yog koj xav pauv teem dua caij tshiab)

Chaw Sojntsuam Cov Menuam Yug Tshiab Qhov Hnov Lus Hauv Xeev Kastisfaunias:

Chaw Sojntsuam Menuam Yug Tshiab Qhov Hnov Lus lub homphiaj yog nrhiav cov menuam uas tsis hnov lus thiab nrhiav kev pab rau ua ntej thaum lawv yuav muaj hnub nyooq li rau lub hli. Lub Chaw no muaj ib cha tsev ua haujlwm pab rau tsevneeg, muaj cov txawj txog kev kho-mob nkeeg thiab paub cov tsev pw kho-mob zoo tuaj pab cov menuam uas xav tau qhov kev pab ntawd. Lub chaw sojntsuam qhov hnov lus rau cov menuam yug tshiab no yuav khaws cov ntawv sojntsuam hais txog koj tus menuam qhov hnov lus rawsli tshooj kevcai124119 ntawm "Health and Safety Code." Chavtsev saib xyuas kev hnov lus yuav siv cov ntawv no coj los pab koj thiab koj tus menuam kom tau rawsli koj xav tau. Tejzaum chavtsev saib xyuas qhov hnov lus no yuav hu koj kom koj tu menuam rov mus sojntsuam dua ntxiv thiab.

Chaw Ntsuam Qhov Hnov Lus Rau Menyum Yug Tshiab 1-877-388-5301

Children's Medical Services
714 P Street
Sacramento, CA 95814

Gray Davis
Tus Thawj Tswj
State of California

Grantland Johnson
Tus Lis Ntawv
Health and Human Services Agency

Diana M. Bonta', R.N., Dr. P.H.
Tus Tswj Dejnum
Department of Health Services

CMS Contract 98-16110